

# KATCHINIKE SEANIKO NIGOPATANI

JANGGI TANGANIKO DINGTANGATNA SASTROKO PORAIANI!

**SALGINI KELKIRANG**

Aba. 27:1-28

**GOLPO...**



Jakob an-tangko sikdikdik aro saksan ong-e nikaha-ia pilakan uni chalakki dakani aro mikbokani gimin ong-aha. Skanggipa Jakob an-tangni adatang, Esauko dejakra man-gniko cha-bokaha. Uni ja-mano, an-tangni ma-gipani dakchakachi, ua an-tangni mikkana ong-gipa pagipa Isaakko togiaha jedakode ua dejakrana pattianiko pagipaoniko man-gen aro jean Esaunisa ong-achim.

Da-ode Jakob adatangni so-otaoni jokna nokoni katangna nangaha. Jensalo pilak uni mangsonganirang chu-sokgijani ong-ahaon ua an-tangni skoko rim-e grapaha. A-bi manduo saksan sikdikdik ong-e, ro-ong dotsao sko ka-me aro warachakna gol-dik ge-sako ra-e, Jakob neng-takna jotton ka-aha. Isol uko kema ka-genchimode, ua an-tangni ma-a paako niktaina man-genma ine chanchiaha. Neng-gokataniko man-e, Jakob tusiaha. Ru-utgijan ua jumangko nikaha. Ua ching-begipa teng-aniko salgioni teng-baaniko a:aona chanongipa nitobegipa jang-ki baksa nikaha. Chansokpilgijagipa sa-grerang ua jang-kiko doa ong-ona dakengachim.

Uni ja-mano Jakob Gitelni salgioni agananiko aro uni songreajolgimiko una pattigen ine ku-rachakaniko knaaha.

Jihova je ku-mikchetaniko Abrahamna aro Isaak baksa dakaha ua apsangipa ku-mikchetaniko Jakob baksaba dakaha. Jensalo ua mikrakahaon, Jakob ja-sku dipane an-tangni pilak mikbokanirangko watgale galsrangna ku-mikchetaniko dakaha. Ua indine ku-rachakaha, “Aro angna Nang-ni on-gimin gimikoniko anga bakkchikkungni baksako nang-na on-chongmotgen.” Abachenga 28:22.

Isol ia ku-mikchetaniko ra-chakaha aro salgini kelkirangko oaha jedakode uni bilsil 20 ni ja-mano noktangona re-bapilahaon, ua namen man-e cha-gipa aro jaksramgipa mande ong-gen.



# PORAANI

*Satroni podko poraie bangbangrango gapatbo.*

## 1. Banoniko Jakob bakchikkungni baksako Isolna on-pilna nanganiko skie ra-aha?

**A·bachenga 14:18, 20** *Aro Salemni raja Melkizedek ... chubatgipa Isolni kamal ong·achim. ... Unon ua pilak bostuni \_\_\_\_\_ Una on·aha.*

**U·IE RA·ANI:** Tithe-ara an-chingni man-aoni bakchikkungni baksa ong-a. Bebeko aganode, “tithe” ingipa kattara “bakchikkungni baksa” ine miksonga. Jakobni atchutang, Abraham, Isolni kamal, Melchizedekna bakchikkungni baksako on-anichi bang-a bilsirangna skangonin dakmesokaniko on-aha.

## 2. An-chingni man-aoni badita Isolni ong-a?

**Levirangna 27:30** *Aro \_\_\_\_\_ pilak ... \_\_\_\_\_. Uara Jihovana rongtalgipa ong-a.*

**U·IE RA·ANI:** An-chingni pilak man-ani chu-gimikan Isolni ong-a. Gitrang 24:1 A-a Jihovanin ong-a, aro uni gapani; a-gilsak aro uno donggiparang. Indiba Isol an-chingko bakchikkungni baksako on-anichi pilakan Unin ong-a ine ku-rachakchina ge-eta.

## 3. An-chingni bakchikkungni baksachi Isol maiko dakaha?

**Chanani 18:21, 24** *Aro, nibo, uamangni on-gimin dangdike on-ani, gronggrikani tambuna uamangni dangdike on-ani gimin man-rikani ine, anga Israelo Levini dedrangna pilak \_\_\_\_\_ on-aha. ... Israelni dedrangni on-gimin \_\_\_\_\_ ... man-rikani ine, anga Levirangna on-aha.*

**1 Korinthirangna 9:13, 14** *Rongtalgipa bosturangni kam ka-giparang torom nokoni \_\_\_\_\_, aro ganchio dangdike on-giparang ganchi baksa bak man-paaa ine na-simang u-ijama? Uandake nama kattachi tangchina Gitel nama kattako \_\_\_\_\_ donaha.*

**U·IE RA·ANI:** Niam Gitchamo, Isol bakchikkungni baksako Levirangko dakchakchina ge-etaniko dakaha, jerangan Una dangdike on-giparang ong-achim. 1 Korinthirangna 9:13 o, Isol aganaha je gitчам salrangni kamalrangna bakchikkungni baksaoniko gamaha gitan, nama kattani gimin da-alo dangdike on-giparangnaba mondoli gita bakchikkungni baksaoniko uamangna dormahako on-na nanga.

#### 4. Bakchikkungni baksako on-aniara Moseni gitchem niamni bak ong-ama, jean chisolo bon-atako man-aha?

**Abachenga 28:20, 22** *Aro Jakkob chake donaha, ... "Aro angna nang-ni on-gimin gimikoniko anga bakchikkungni baksako Nang-na \_\_\_\_\_."*

**U-IE RA-ANI:** Ong-ja! Moseni niamko on-na skang ru-utaonin Abraham aro Jakob sakgnian an-tantangni man-aoniko bakchikkungni baksako Isolna on-aha. Sinaio ong-na skangan ong-ahani gimin, ian Moseni niamni bak ong-ja jekon chisolo bon-ataha. Bakchikkungni baksako ona-ni niamara Isolni kamko ka-anio dakchakna miksongani ong-a, aro ian da-alonaba gamchatkuenga.

#### 5. Jisu bakchikkungni baksako on-aniko gamchatnikjahama?

**Mati 23:23** *Aiao na-simang, Sastro skigiparang aro Pharisirang, cha-chipilgiparang! matna nasimang podina aro guamori aro jirani \_\_\_\_\_ on-a, indiba niamni jrimbatarangko, chong-motan bichal, aro ka-sachaka, aro bebera-ako wataha. Iarangko dakna \_\_\_\_\_ aro ukoba watna nangjachim.*

**U-IE RA-ANI:** Ong-ja. Jisu nikna man-aha je mikbokrakgipa Pharisirang bakchikkungni baksako torom nokona gapsuakpile ra-baani pal bijak jakantiko aro chonchongipa bitchirangko chanesa ra-bara. Uni gimin Ua uamangko bakchikkungni baksako kakkete on-oba indiba kakket bichal ka-jani gimin, ka-sachakjani aro bebera-a dongjani gimin manengaha. Ua uamangko bakchikkungni baksani gimin manengajaha, indiba dal-gipa Kristian niamrangko manina simsakjani gimin manengaha. Uni giminsa Jisu indine aganaha, "Iarangko dakna nangjachim, aro ukoba watna nangjachim."

#### 6. Bakchikkungni baksani gimin maia aiao inmangipa ku-rachakaniko Isol dakaha?

**Malaki 3:10** *"Na-simang bak chikungni bak sani gimikko bandalona ra-babo, ... Da-o iachi Angko \_\_\_\_\_ nibo," ine Kotokrangni Jihova agana, "Anga na-simangna salgini \_\_\_\_\_ oe na-simangna pattianiko \_\_\_\_\_ rudapgenma rudapjawa."*

**U-IE RA-ANI:** Isol indine aganenga: "Da-o iachi angko dake nibo. Anga na-simangna pattianiko chakjapile rudapgenma rudapjawa." Ritcha hajal bakchikkungni baksarangko on-giparang iako kakket ong-a ine nang-na agangen. Na-a Isolna on-gija dake simsakgija ong-na man-jawa!

#### 7. Isol An-tangni manderangko pilak bakchikkungni baksako bandalona ra-bachina agana. Uan maiko miksonga?

**Nehemia 13:12** *Unon Juda gimik mirangni bak chikkungni bakrangko, aro gital draka bitchiko, aro toko \_\_\_\_\_ ra-baaha.*

# LESSON 15

**U·IE RA·ANI:** Gam donchakramara Isolni nokan ong-a. (Sastroo “bandalko” “gam donchakram baksa” apsan chana.”) Malaki 3:10 o, Isol gam donchakramko “angni nok” ine agana jean Uni gilja nok, ba torom nok ine miksonga. Gam donchakramko torom nok ba torom nokni bandal ine minggipa gipin podrangara 1 Serikani 9:26; 2 Serikani 31:11,12; aro Nehemia 10:37, 38 rangan ong-a. Uni gimin ian namen rongtalbea je gam donchakramara Isolni mondolini gam donchakraman ong-a.

## 8. Jensalo an-ching bakchikkungni baksa on-on, sawasa an-chingni tangkako chong-mot ong-e ra-chaksoaniko daka?

**Ibrirangna 7:8** *Aro ianode signi manderang bak chikkungni bakrangko ra-a, indiba uno \_\_\_\_\_ [Jisu] ine saki on-ako man-gipasa uarangko ra-chaksoa.*

**Kolosirangna 3:23** *Jekoba daka, mandena ong-gija Gitelna \_\_\_\_\_ ka-bo.*

**U·IE RA·ANI:** An-ching pangnan gisik ra-jringna nanga je an-chingara an-chingni bak chikkungni baksarangko manderangna on-ja, indiba Isolnasa on-aniko dakae. Ian Unin ong-a. An-ching uko Isolna on-ahaode maikai uko jakkalaha uni gimin an-ching kenchakna nangja. Ua An-tangni tangkatangko simsakna man-gipa ong-a aro An-tangni tangkarangko jakkalna simsakgijagipako maikai sason ka-na nanga uni giminba namen daken ma-sigipa ong-a.

## 9. Angni bakchikkungni bakrang baksana, maiarangba Isolni ong-a, maiko Ua An-tangni manderangoni dabiaha?

**Gitrang 96:8** \_\_\_\_\_ *ra-bae uni sa-rarango napbao.*

**Malaki 3:8** *Mande Isoloniko togie ra-genma? Indiba nasimang angoniko togie ra-aha! Indiba na-simang agana, “Chinga Nang-oniko maikai togie ra-aha?” Bak chukungni bakrang aro \_\_\_\_\_.*

**U·IE RA·ANI:** Gitel Jihova an-chingko Una ka-saaniko aro Uni pattianirangna an-chingni mitelpilskaaniko mesokna jagkitele on-anirangko on-china agana.

## 10. Baditako an-ching on-anirang dake on-na nangchongmota?

**2 Korinthirangna 9:7** *Jajrenga gita, ba nanga gita ong-gija, sakanti \_\_\_\_\_ mansonga gita on-china; maina Isol ka-sroke on-gipana ka-sara.*

**U·IE RA·ANI:** Sastro dingtamancha dake badita tangkako on-na nanga janapaniko dakja. Sakantian Isolni gisikko didiatani gita baditako jagkitele on-anirangko on-na mangsonganiko dakchina.

## 11. Maidakgipa dake nianio Adam aro Hoba chu-sokjaha jean Isolni songnokko man-rikna an-chingba ka-dongsoode chu-sokgipa ong-na nanggen?

**Abachenga 3:3** *Indiba barini bijatchio \_\_\_\_\_ bolni biteko, Sijana gita, na-simang uko \_\_\_\_\_ aro \_\_\_\_\_ ine Isol inaha.*”

**U-IE RA-ANI:** Isol Adam aro Hobana aganaha je uamang pangsa bolni bite chong-motan nama aro namgijako u-iani bolni bitena agre barini pilak bolrangni biterangko chana man-a. Uamang uko cha-na ba dangtapnaba nangjachim, ong-jaode uamang sigenchim. Isol bolni wilwilao bijolini bilko wate dongipa guarechide kaduljaha. Batesa, Ua uamangni jakko sokate akna man-gipaon uko donaha. Aro uamang uko akaha maina uamang Isolo ka-dongchakjaha. Da-alo, Isol an-ching pilaknan apsangipa dake nianiko on-enga. Ua aganaha, “Na-simang bak chikkungni baksana agre pilak tangkakon rakkina man-a. Ua tangkade Angnisa. Uko ra-nabe.” Indioba, Ua uko anchingni jaksokaon donaha aro an-ching skode ra-naba man-aia. Indiba jensalo an-ching iako dakon, an-ching Adam aro Hobani papko jarikenga aro dakpaenga. Isol dingtangmanchagipa bolni biteko nangja. Ian uamangni kakket ong-aniko dake niani ong-achim. Ua an-chingni bakchikkung bakrangkoba nangjachim. Uo pilakan donga! Ian an-chingni ka-saaniko, kakket ong-aniko aro ka-dongchakaniko dake nianisan ong-a.

## 12. Jensalo an-ching Isolna bakchikkungni bakrangko aro on-anirangko ra-bana jechakon badiagipa niamko an-ching pe-enga?

**Malaki 3:8** *Mande Isoloniko \_\_\_\_\_ ra-genma? Indiba nasimang angoniko \_\_\_\_\_ ra-aha! Indiba na-simang agana, “Chnga Nang-oniko maikai togie ra-aha?” Bak chikkungni bakrango aro on-anirango.*

**Reongkata 20:15** *Na-a \_\_\_\_\_.*

**U-IE RA-ANI:** Jerangan u-ien bakchikkungni bakrang aro on-anirango kakketja uamangde ra-sekera-giparang ong-a ine Isol agana. Jensalo manderang saksa sakgipinoniko cha-uon ian namen namjajok, indiba Isoloniko cha-ue ra-na ka-donganiara manderangna kenjagokatgipa chanchianiko ong-ata! Manderangni gonggonge tangkako cha-uaniara bebera-na rakbeaniba ong-a jekon Isol nama kattako skipraknasa chame donaha.

## 13. Jean u-ieba Uoniko bakchikkungni bakrang aro on-anirangko ra-seka uamangna mai ong-gen ine Isol aganaha?

**Malaki 3:9** *Na-simang saochi \_\_\_\_\_ sao on-ako man-aha, maina na-simang jat gimikan angonikon togie ra-a.*

**1 Korinthirangna 6:10** *Ba \_\_\_\_\_, ba mikbokgiparang, ba pegkiparang, ba saigiparang, ba cha-bokgiparang Isolni songnokko man-rikjawa.*

# LESSON 15

**U·IE RA·ANI:** Jerangan bak chikkkungni bakrango aro on-anirango kakketja sa-oko man-aha, aro uamang dingtangjaskalde, uamang Isolni songnokoniko cha-ukokrang gita chipchanggalako man-gen.

## 14. Maina mikbokaniara namen kengnigipa ong-a?

**Luk 12:34** *Maina na-simangni \_\_\_\_\_ biapo na-simangni giskba ong-gen.*

**U·IE RA·ANI:** Mikbokaniara nisiatgipa kenani ong-a maina an-chingni ka-tongrang man-dapanirangko man-na ja-rikronga. Angni miksonganian tangkarangko bang-bate aro bang-batesa man-na miksongaiode, angni ka-tong mikbokanian gapaignok, man-nasan sikaignok, aro gaorade-anian gapaignok. Indiba angni miksonganiara Isolni kamko jelbatnasa ong-genchimode, angni ka-tongara simsakna, ka-sae on-na, aro an-tangko onatnasa sikgen. An-chingni ka-tongrang an-chingni gamko ja-rikgen. An-ching mamungsaloba gualna nangja je Judani mikbokanian aro tangkana ka-saanian rupa dot 30na Jisuko pale cha-ona uko dilangaha (Mati 26:14-16).

## 15. Jensalo an-ching Uoniko bak chikkkungni bakrang aro on-anirangko ra-seke ra-on maikai Jisuara an-chingni gimin chanchigen ine na-a chanchipatna man-a?

**Ibrirangna 3:10** *Uni gimin anga ia chasongko \_\_\_\_\_, aro aganaha, lamang ka-tongo pangnan branganga.”*

**U·IE RA·ANI:** Ma-gipa ba pagipa jeni bi-saan tangkako uni tangka donchakramoniko cha-ue ra-on duk man-a gitan Jisuba duk man-gen. Tangkako gimaatade dal-a ong-ja. Indiba bisani kakketgijani, ka-saani aro ka-dongchakani dongjahaon, namen duk ong-beanio ong-a. Beben, an-chingoni darangba an-chingni Jokatgipako duk ong-atna sikjawa.

## 16. Sastroni badia niamrango Isol on-anirangni gimin سوالنيو dakaha?

**A. 2 Korinthirangna 8:5** *Uamang skang Isolna, aro Isolni namnikachi chingna \_\_\_\_\_ on-aha.*

**B. Toe Skianirang 3:9** *Nang-ni gamchi Jihovako mande ra-bo, aro nang-na nanggimin pilak \_\_\_\_\_.*

**C. Toe Skianirang 11:24, 25** *Satpripvae \_\_\_\_\_ gnan, Aro on-na nangako on-gijagipani cha-asian gnan \_\_\_\_\_ mande silatako man-gen.*

**D. Watatarang 20:35** *Man-ana bate \_\_\_\_\_ kusi ong-batani ong-a.*

**E. Luk 12:21** *Ua gitan Isolo \_\_\_\_\_ ong-gija an-tangnasa \_\_\_\_\_.*

**F. Luk 6:38** *On-bo, unon na-simangna on-gen: uamang nama toanio sikjetjete, morekreke, \_\_\_\_\_ na-simangni ka-bako on-gen.*

**G. 1 Korinthirangna 16:2** *Na-simangoni sakanti \_\_\_\_\_ gita an-tangni sepango chimonge donchina.*

**H. Deuteronomy 16:17** *Mande sakantian nang-ni Isol Jihovani nang-na pattie on-gimin gita \_\_\_\_\_ on-ani gita on-na nanga.*

**U-IE RA-ANI:** Angni man-gipa bakchikkungni baksku Isolni pattianirang baksa bakchikkungni bakchikkungrangna bateba re-anggen. Jensalo Isol salgini kelkirangko oon, Uni pattianirang pangnande tangka paisachi ong-ja. Uarang haida namgipa an-sengbaljokani, gisikni tom-tomani, bi-anirangna aganchakanirang, chelchakani, nokdango ka-sao stitgrike dongani, be-ennei bilakani, namedake chanchina man-ani, Jisu baksa chapchap re-rimna man-ani, janggirangko ambaanio chu-sokani, gitcam gariko jakkalanio baigipa ong-ani, aro gipinrang. An-ching chong-mot ong-e Jisuna ka-sae, on-anirangko Uni kamna on-ode ian jrimani ong-jawa. Indiba ian pattiani ong-gen - jeon namen katchaani aro chu-ongnikani baksa an-ching kam ka-gen.

## 17. Jakob an-tangni jumango nkgipa jang-kiara maiko mesoka?

**Johan 1:51** *Na-simang salgini oako, aro Isolni sa-grerang \_\_\_\_\_ kosakona gakatako aro ong-onako nikgen.*

**U-IE RA-ANI:** Jakob salgi aro a-a baksa changipa jang-kiko nikaha, jean Mandeni Depanteko miksonga. Malaki 3:10 o, Isol agana, an-ching pilak bakchikkungni bakrangko bandalona ra-baaode, Ua salgini kelkirangko ogen aro chakjapile an-chingna pattianiko rudapgen! Jisuan ua pattiani ong-a.

## 18. An-ching Jisuna maia dal-batsranggipa on-aniko on-na man-a?

**Toe Skianirang 23:26** *Ang de, nang-ni \_\_\_\_\_ angna on-bo, aro nang-ni mikronrang angni re-anirango katchachina.*

**Mark 7:6** *Ia manderang an-tangtangni ku-chilchi Angko mandera-a, indiba uamangni \_\_\_\_\_ Angoni chel-a.*

**U-IE RA-ANI:** Jensalo Jisu an-chingni ka-tongrangko ra-ahaon, Ua pilakkon ra-aha.

## LESSON 15

# NANG·NI AGANCHAKANI

*Jensalo an·ching bakchikkungni bakrango aro on·anirango kakket ong·on, an·chingni janggi tanganio pilakon dakna jotton ka·anio, Jisuan an·chingni ripeng ong·gen. Bakchikkungni bakrangko aro on·anirangko ra·baanichi na·ara Uko nang baksa ka·rimna okamna sikjawama?*

**AGANCHAKANI:** \_\_\_\_\_